

Roma i khynigo szczurengro

Sys wend, bałwał sys baro, delys iw dzia baro kaj na dykhetys pe greskry pory, pał salestyr tradelys wurden. A dre do wurden zagardzia pe khynigo szczurengro peskre semencasa. Już éhon traden romanca. Duminenys kaj zatradena te filacin khynigoskro gił wend, ne wend jawia but sygedyr dre do berś. Sys dzia sił i iw wperelys dre wurden, kaj éhawore sys celo ciro przyćhakirde porenca. Ale ani jone ani łengro dad nadzinenys kaj hor dre wurden tež ugarudzion szczury. Nadgeja dywes kaj mrazo htyłdzia dzia zorałes, kaj khynigo na wrykirdzia i khardzia peskre knehtos:

- Wend sy coraz siłaledyr, sare sam dre dar. Dzia te hułaj da wurdenestyr, jow sy łácsio Rom, na odpchenela jamenge i podeła wast te tuga.

Geja knehto te Rom terdzija gił łestyr pe duj hera i ziakireł.

- Ho, ho, ho! – so dowo tut jandel dre dasawo silipen. Karyk jawes?

- Jamaro khynigo bićhadzia man te tu mangipnasa. Łácsio manuś, bary bibaht jawia pe jamendyr. Na wyćsiela jamenge haben a bokhatyr i siłestyr zor jamendyr opeja i syr ési pomerasam so na podesa jamenge wast.

- Roma na odphenen nikoneske, poden łácsio wast sareng. Na odphenawa i me so khynigo mangel. Dre wurden sy warykicy fliki kaj peske te łen, a habnasa pophagirasam pe, sareng po dakicy korkoro.

- Parykiras tuke! – i pojawne sare szczury dre tato śteto dre wurden, a éhawore frejdzine kaj sy łen konś te zabawa.

Miniakirde dzia but dywesa... Sałoś dywes siunde sare syr soś bećcia paś wurden. Wydykte

...

- Cirykło! Cirykło! – dyne godli tykne éhawore.

- Jaweł mijal – phendzia hułaj wurdenestyr.

A khynigo wydykcia i phendzia

- Dzia dawa już mijal pe kereł. Nadgeja ciro kaj te parykiras tuke i te dzias dre peskry ryg. A kaj urakcian jamen merybnastyr, kamdziomys tuke te deł da basiadziory. So zabasiawesa pe łatyr pał sare moły jaweła jek myre éhawendyr i pucieła so kames. Wtedy phenesa łeske so kames, a pherdo szczury jawena i kerna dowo. I dyja khynigo Romeske tykni basiadzy.

- Parykiraw – odphendzia Rom

Przegeja mijal. Naddział pałe wend. Po kuty Roma zabyskirde pał do basiadziory. Ne duminenys syr te skendeł haben gił mrazy.

- Nani haben mence i greske a wend naddział, tuga sy men pe siero – phendzia Rom te peskry semenca.

Dre sałoś dywes wćhuweł wast dre kisyk a doj ...

- Dawa basiadziory! – dyja godli. - Dykhasam so dzineł – i zabasiadzia.

Pe jekwar poznašte pherdo szczury, sare rygendyr. Sys butedyr syr bała pe siero. Jek lendyr najsiukaredyr, phendzia:

– Phen so kames a jame dowa kerasam.

- Naddział wend, a dre myro wurden nani haben.

Szczury pe roznašte. Na zgeja štonda a pojande berga phus.

- Ne, Ne, Ne – syr me tumenge parykirawa?

- Keras dawa so phendzia jamenge khynigo. So soś kamesa pałe zabasiaw a jame jawasam.

Zalija Rom do phusa i tradyja te młynarzo. Młynarzo sys bešto pe stenga. Syr dykcia kaj tradeł Rom phendzia:

- Ani phus ani jarzo nani. Tylko pherdo szczury. Jaweła mange dawa saro te mekheł i te dział pe mangipen. So kon phusa pe rat mekheła dowa szczury saro shana. Traden Dewlesa.

Wysiundzia łes Rom i phendzia:

- Me wast tuke podawa, ne keresa mange jarzo - i zabasiadzia pe basiadziory.

Pe jekwar poznašte pe szczury sare rygendyr.

- Daj sy ciorores, ne na dur ławyr młynarz sy barwałedyr. Łen przeligiren pe te jow.

- Kerasam syr kames – i dzia kerde.

Młynarzo aż przekhościa jakha.

- So dzia kerdzian to me tez dorykirawa ław i kerawa tuke jarzo.

Romni pekcia jarzesty but mare. Roma tradyne duredyr kaj te rodeł kher pe wend i te na jaweł dre weś. Racja Rom na dur kher dre kircima bo ćsija łeske phus i kircimaro pał dowa dyja łenge kher. Ne i dzia celo semenca tates i ciales wend przedzidzija. Pošli dowa na jekwar Rom zabasiadzia pe basiadziory. Gił meryben phuro Rom dyja ła peske ćhaweske i dzia basiawen te dadywes.